

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqt imaattoq saqqummiuppara:

Naalakkersuisunut apeqqt:

- 1. Utoqqaat utoqqalinersiutaannarnik isertitallit pisortat illuutaanni imaluunniit inissiaataanni attartortakkani qassit inigisami ataatsimi minnerpaamik ukiuni kingullerni 25-imi najungaqarsimappat ?**
- 2. Naalakkersuisut utoqqaat minnerpaamik ukiunik kingullerni 25-imi inigisaminni najungaqarsimasut, inigisamik akikitsunnguannorlugu pigilivissinnaaneranut isumaqatigiissusiorfigineqarsinnaannerat akuerisinnaavaat ?**
- 3. apeqqt 2-imi akissut aap-imi akineqarpat, tamanna pisortanut aningaasatigut naleqarsinnaava ?**

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

A/S IIN-ip naatsorsuutai tamanit takuneqarsinnaasut kingullit ilaatigut takutippaat, inissiat A/S INI-mit allaffissornikkut ingerlanneqartut katillugit 9600 missaaniittut, taakkunangalu 6200 missai Namminersorlutik Oqartussanit pigineqartut.

Taamaattorli takuneqarsinnaanngilaq ineqartut qassit ukiorpassuani aalajaallutik illumi inigisamiluunniit aaliangersimasumi Namminersorlutik Oqartussat inissiaataanni illuutaanniluunniit najungaqartuunersut.

AI 2017-imi akuersissutigineqarneranut atatillugu oqaasertaliussat ilaanni Naalakkersuisut kommuninut ataasiakkaanut Namminersorlutik Oqartussat inissiaataannik 1.1.2018-imiit akeqanngitsumik tunniussinissaq siunertaralugu isumaqatiginninniarnissamut isumaqatigiissute-

qarnissamullu piginnaatinneqarput. Isumaqatiginninniarnerni Namminersorlutik Oqartussat inissiarsuaataannut pilersaarutit, 2017-imi qaammatini siullerni pingasuni piareertussat tungavigalugit ingerlanneqarnissaat naatsorsuutigineqarpoq.

Assersuutigineqarsinnaapput utoqqaat appariit akuersinermikkut imannak paasissutissiinerat, tamarmik immikkut skat-ti peereerlugu qaammammut 6.850, - kr-inik utoqqalinersiutillit, illumut attartortittakkamut Namminersorlutik Oqartussanik pigineqartumut ukiuni 30-inngulersuni najunga qarfigisiminnut qaammammut ineqarnermut, kiassarnermut, kallerup inneranut eqqaavinnut, telefonimullu katillugit 10.327,79 kr-inik akiliisarput.

Tupinnaqaaq paasiuminaallunilu utoqqaat ukiorpasuaarni inuiqatigiinnut sullissilluareersimallutik aningaasaqarnikkut taama ajortigisumik inissisimalertarnerat.

Taamaammat tamanit takuneqarsinnaavoq, inigisamik illumilluunniit Namminersorlutik Oqartussanit pigineqartumik apparsaasinnaanermut periarfissaareersut utoqqaat aningaasaqarnerannut naapertuutigilluinnartoq .

Taamaattumik utoqqaat, soorlu assersuutigalugu minnerpaamik ukiuni 25-ini inigisami Illumiluunniit Namminersorlutik Oqartussat pigisaanni aaliangersimasumi najunga qarqarsimasut immikkut ittumik periarfissinneqarnissaat matumuuna ujarporpara.

Ullut suliffiit qulit qaangiutinnginnerani akineqarnissara kissaatingaara.